

lésu hō Gōchheng Lâng Chiáh kah Pá

(Mt 14:13~21; Mk 6:30~44; Lk 9:10~17)

6 Chiahê tāichì íau, lésu kòekhì Galílaiah Ō, tòh sī Tībélīa Ō ê tuihōaⁿ. ² Ū chin chē lāng tòe l khì, inūi in ū khòanⁿ kìn lésu i hó pēⁿ lāng ê sīnjiah. ³ lésu peh chiūⁿ soaⁿ, kah l ê buntō chòhóe chē tī hia. ⁴ Hit sī, lúthài lāng ê Pòanⁿ kòecheh teh beh kàu à. ⁵ lésu giáhbák, khòanⁿ tiòh kui tōatīn lāng ittit teh kiāⁿ lâi, tòh ká Huilippò kóng, “Lán beh tùi tóuī bé hiah chē mīpau lâi hō chiahê lāng chiáh?” ⁶ l kóng chiahê òe sī beh chhithàm Huilippò, sūsit siōng, l íkeng chai l beh chò ê tāichì.

⁷ Huilippò in l kóng, “Tiòhsng ēng nngpah ê gín'á khì bé mīpau, mā bô kàu hō tak lāng chiáh chit tè'á.” ⁸ l ê buntō chi it, tòh sī Símgòng Peteloh ê siótī Antoléh ká l kóng, ⁹ “Tī chia ū chitê gín'á, i ū gō tiâu tōabéh chò ê mīpau kah nng bóe hī, m̄ koh, beh hō chiah chē lāng chiáh, ná ē ū kàu?”

¹⁰ lésu kóng, “Lín kiò chènglāng chē lòkhì.” (Hitê sóchāi ū chin chē chháu.) Chènglāng tòh lóng chē lòkhì; chapó lāng ê jinsò tāiok ū gō chheng. ¹¹ lésu thèh hiahê mī pau khí lâi, chioksiā liáuāu, tòh pun hō chē tī hia ê lāng; hī mā sī chiàu áne pun, chènglāng ài gōa chē tòh pun hō in gōa chē. ¹² Chènglāng lóng chiáh pá liáuāu, lésu hoanhù l ê buntō kóng, “Kā chiáh chhun ê iù sap'á khioh khí lâi, chiah bē phah sng khì.” ¹³ Sói, in tòh ká chiáh chhun ê hit gō tiâu tōabéh mīpau ê iù sap'á khioh khí lâi, chóngkiōng ū chapjī nâ móamóa.

¹⁴ Chènglāng khòanⁿ tiòh lésu só kiāⁿ ê sīnjiah, tòh kóng, “Chitê lāng chinchianⁿ sī beh lâi sèkan ê Hit Ūi tāigiânjīn.” ¹⁵ lésu chai chènglāng beh lâi kiōngpek l chò ông, tòh kakī chitê koh siámpī khì soaⁿ nih.

lésu Kiāⁿ Chúibīn

(Mt 14:22~33; Mk 6:45~52)

耶穌 hō 五千人食 kah 飽

(太 14:13~21；可 6:30~44；路 9:10~17)

6 Chiahê tāichì 以後，耶穌過去加利利湖， tòh 是提比里亞湖 ê 對岸。 ² 有真 chē 人 tòe 衲去，因為 in 有看見耶穌醫好病人 ê 神跡。 ³ 耶穌 peh chiūⁿ 山， kah 衲 ê 門徒做伙坐 tī hia。 ⁴ Hit 時，猶太人 ê Pòanⁿ 過節 teh beh 到 à。 ⁵ 耶穌 giáh 目，看 tiòh kui 大陣人一直 teh 行來， tòh ká 腓力講：「咱 beh tùi tó 位買 hiah chē 麵包來 hō chiahê 人食？」 ⁶ 衲講 chiahê 話是 beh 試探腓力，事實上，衲已經知衲 beh 做 ê tāichì。

⁷ 腓力應衲講：「Tiòh 算用兩百個銀 á 去買麵包， mā 無夠 hō tak 人食一塊 á。」 ⁸ 衲 ê 門徒之一， tòh 是西門彼得 ê 小弟安得烈 ká 衲講：⁹ 「Tī chia 有一个 gín'á，伊有五條大麥做 ê 麵包 kah 兩尾魚， m̄ koh， beh hō chiah chē 人食， ná ē 有夠？」

¹⁰ 耶穌講：「Lín 叫眾人坐落去。」 (Hitê 所在有真 chē 草。) 眾人 tòh lóng 坐落去； chapó 人 ê 人數大約有五千。 ¹¹ 耶穌 thèh hiahê 麵包起來，祝謝了後， tòh pun hō 坐 tī hia ê 人；魚 mā 是照 áne pun，眾人 ài gōa chē tòh pun hō in gōa chē。 ¹² 眾人 lóng 食飽了後，耶穌吩咐衲 ê 門徒講：「Kā 食 chhun ê 幼屑 á khioh 起來， chiah bē phah 損去。」 ¹³ 所以， in tòh ká 食 chhun ê hit 五條大麥麵包 ê 幼屑 á khioh 起來，總共有十二籃滿滿。

¹⁴ 眾人看 tiòh 耶穌所行 ê 神跡， tòh 講：「Chitê 人真正是 beh 來世間 ê hit 位代言人。」 ¹⁵ 耶穌知眾人 beh 來強迫衲做王， tòh kakī 一个 koh 閃避去山裡。

耶穌行水面

16 Kàu hônghun ê sî, I ê bûntô lókhì kàu ô piⁿ, 17 chē chûn beh kòekhì tuihōaⁿ ê Kapehnáum. Thiⁿ íkeng àm à, m̄ koh lésu iáu bē lâi kàu in hia. 18 Hit sî, inūi hong chin thàu, ô nih soah khí tōa hongéng. 19 In kò chûn kò chhaputto saⁿ sî englí ê sî, hutjiân kan khòaⁿ tiòh lésu tī chúibîn teh kiâⁿ, chiâmchiâm kiâⁿ óa lâi chûnpiⁿ, in tòh huisông kiaⁿhiâⁿ. 20 M̄ koh, lésu kâ in kóng, “Sī Góa, m̄ bián kiaⁿ!” 21 Bûntô tòh hoaⁿhí chiap I chiūⁿ chûn. Chûn sūsî tòh kàu in teh beh khi ê sóchāi.

Chènglâng Chhōe lésu

22 Kehtng kang, iáu koh lâi tī ô ê tuihōaⁿ ê chènglâng, kantaⁿ khòaⁿ tiòh chit chiah sè chiah chûn'á tī hia, in ìsek tiòh lésu bô kah I ê bûntô chòhóe chiūⁿ chûn, kantaⁿ bûntô kakī ìkhuì. 23 Chóng sī, ũ kúinā chiah tui Tíbéliā siâⁿ lâi ê chûn, thêngkhò tī óakīn chìnchêng Chú chioksiā liáuāu, pun mīpau hō chèng lêng chiáh ê hit sóchāi. 24 Kúnchiòng chitē chai lésu kah I ê bûntô lóng bô tī hia, tòh koh chiūⁿ chûn, kòekhì Kapehnáum chhōe lésu.

lésu Sī Sèⁿmiā ê Biniūⁿ

25 Chènglâng tī ô ê tuihōaⁿ chhōe tiòh lésu ê sî, m̄ng I kóng, “Lāusu, Lí tangsî lâi chia?”

26 lésu ìn in kóng, “Góa sítchāi kâ lín kóng, lín teh chhōe Góa, m̄ sī inūi lín ũ khòaⁿkìⁿ Góa só kiâⁿ ê sijniah, khiok sī inūi lín chiáh Góa pun hō lín ê mīpau chiáh kah pá. 27 M̄ thang ũi tiòh ē pāihoāi ê chiáhmih lâi lôkhó, khiok tiòh ũi ē tàng tit tiòh éngseng ê chiáhmih lâi chòkang. Jínchú ē siúⁿsù chit khoán ê chiáhmih hō lín, inūi ThiⁿPē SiōngChú íkeng kâ I khapìn jīntēng ā.”

28 In tòh m̄ng lésu kóng, “Goán beh chò SiōngChú ê kangchok, engkai tiòh chò siáⁿmih?”

29 lésu ìn in kóng, “Lín tiòh sìn SiōngChú

(太 14:22~33 ; 可 6:45~52)

16 到黃昏 ê 時，祂 ê 門徒落去到湖邊， 17 坐船 beh 過去對岸 ê 迦百農。天已經暗 à， m̄ koh 耶穌 iáu bē 來到 in hia。 18 Hit 時，因為風真 thàu，湖裡 soah 起大風湧。 19 In kò 船 kò 差不多三四英里 ê 時，忽然間看 tiòh 耶穌 tī 水面 teh 行，漸漸行 óa 來船邊， in tòh 非常驚惶。 20 M̄ koh，耶穌 kâ in 講：「是我， m̄ 免驚！」 21 門徒 tòh 歡喜接祂上船。船隨時 tòh 到 in teh beh 去 ê 所在。

眾人 Chhōe 耶穌

22 隔 tng 工， iáu koh 留 tī 湖 ê 對岸 ê 眾人， kantaⁿ 看 tiòh 一隻細隻船 á tī hia， in 意識 tiòh 耶穌無 kah 祂 ê 門徒做伙 chiūⁿ 船， kantaⁿ 門徒 kakī 離開。 23 總是，有幾 nā 隻 tui 提比里亞城來 ê 船，停靠 tī óa 近 chìn 前主祝謝了後， pun 麵包 hō 眾人食 ê hit 所在。 24 群眾一下知耶穌 kah 祂 ê 門徒 lóng 無 tī hia， tòh koh chiūⁿ 船，過去迦百農 chhōe 耶穌。

耶穌是性命 ê 米糧

25 眾人 tī 湖 ê 對岸 chhōe tiòh 耶穌 ê 時，問祂講：「老師，祢 tang 時來 chia？」

26 耶穌應 in 講：「我實在 kâ lín 講， lín teh chhōe 我， m̄ 是因為 lín 有看見我所行 ê 神跡，卻是因為 lín 食我 pun hō lín ê 麵包食 kah 飽。 27 M̄ thang 為 tiòh ē 敗壞 ê 食物來勞苦，卻 tiòh 為 ē tàng 得 tiòh 永生 ê 食物來做工。人子 ē 賞賜 chit 款 ê 食物 hō lín，因為天父上主已經 kâ 祂蓋印認定 ā。」

28 In tòh 問耶穌講：「阮 beh 做上主 ê 工作，應該 tiòh 做啥物？」

29 耶穌應 in 講：「Lín tiòh 信上主差派來 ê

chhephài lâi ê Hit Ûi, che tòh sī SiōngChú ài lín chò ê kangchok.”

30 In tòh kóng, “Lí beh kiâⁿ siáⁿmih sînjiah hō goán khòaⁿ, thang hō goán sìn Lí? Lí ē chò siáⁿmih? 31 Goán ê chòsian tī khòngiá chiáh máná, tú chiàu kengtián só kichài: **I tùi thiⁿténg sù biniú lóhlái hō in chiáh.**³”

32 Iésu tòh kā in kóng, “Góa sitchāi kā lín kóng, kā thiⁿténg ê biniú hō lín chòsian ê m̄ sī Môse, khiok sī Góa ê ThiⁿPē tùi thiⁿténg siúⁿsù lín chinchiàⁿ ê biniú. 33 Inūi SiōngChú só sù ê biniú tòh sī tùi thiⁿ kànglím, siúⁿsù sèⁿmiā hō sèkan ê Hit Ûi.”

34 In tòh kā Iésu kóng, “Chú ah, kiú Lí siúⁿsù chit khoán ê biniúⁿ hō goán, titkàu éngoán.”

35 Iésu kā in kóng, “Góa tòh sī sèⁿmiā ê biniúⁿ; lâi Góa chia ê lâng éngoán bē iau, sìn Góa ê lâng éngoán bē chhùita. 36 M̄ koh, tú chhinchiūⁿ Góa kā lín kóng kòe ê, lín suijian ū khòaⁿ tiòh Góa, khiok iásūi m̄ sìn. 37 Kiànnā ThiⁿPē só kauthok hō Góa ê lâng, lóng ē lâi Góa chia; lâi Góa chia ê lâng, Góa ittēng bē kā i khìsak; 38 inūi Góa tùi thiⁿ kànglím, m̄ sī beh chiàu Góa kakī ê ìsù chò tāichì, khiok sī beh chunhēng chhephài Góa lâi ê Hit Ûi ê chí. 39 Chhephài Góa lâi ê Hit Ûi ê chí tòh sī: I só kauthok hō Góa ê lâng, Góa liân chitê to bē sitlòh, jíchhiáⁿ tī boátjít, Góa ē hō in kohoáh. 40 Inūi Góa ê ThiⁿPē ê chí sī, kiànnā khòaⁿ tiòh Kiáⁿ, koh lâi sìn I ê lâng lóng ē tit tiòh éngseng, jíchhiáⁿ tī boátjít, Góa beh hō in kohoáh.”

41 Iúthài lâng inūi Iésu kóng, “Góa sī tùi thiⁿ kàng lóh lâi ê biniú”, tāike tòh tùi I hoat chhut oàngiân. 42 In kóng, “Chitê lâng kám m̄ sī lôséhuh ê kiáⁿ Iésu? Lán kám m̄ sī bat I ê pēbú? Sī árchóaⁿ I kóng, ‘Góa sī tùi thiⁿ kànglím ê?’”

43 Iésu ìn kóng, “Lín m̄ thang hoat chhut oàngiân. 44 Nā m̄ sī chhephài Góa lâi ê ThiⁿPē ê

Hit 位，這 tòh 是上主 ài lín 做 ê 工作。」

30 In tòh 講：「祢 beh 行啥物神跡 hō阮看， thang hō阮信祢？祢 ē 做啥物？ 31 阮 ê 祖先 tī 曠野食嗎哪， tú 照經典所記載：祢 tùi 天頂賜米糧落來 hō in 食³。」

32 耶穌 tòh kā in 講：「我實在 kā lín 講， kā 天頂 ê 米糧 hō lín 祖先 ê m̄ 是摩西，卻是我 ê 天父 tùi 天頂賞賜 lín 真正 ê 米糧。 33 因為上主所賜 ê 米糧 tòh 是 tùi 天降臨，賞賜性命 hō 世間 ê Hit 位。」

34 In tòh kā 耶穌講：「主 ah，求祢賞賜 chit 款 ê 米糧 hō阮，直到永遠。」

35 耶穌 kā in 講：「我 tòh 是性命 ê 米糧；來我 chia ê 人永遠 bē iau，信我 ê 人永遠 bē 嘴乾。 36 M̄ koh， tú 親像我 kā lín 講過 ê， lín 雖然有看 tiòh 我，卻 iáu 是 m̄ 信。 37 見若天父所交託 hō 我 ê 人， lóng ē 來我 chia；來我 chia ê 人，我一定 bē kā 伊棄 sak； 38 因為我 tùi 天降臨， m̄ 是 beh 照我 kakī ê 意思做 tāichì，卻是 beh 遵行差派我來 ê Hit 位 ê 旨意。 39 差派我來 ê Hit 位 ê 旨意 tòh 是：祢所交託 hō 我 ê 人，我連一个都 bē 失落，而且 tī 末日，我 ē hō in koh 活。 40 因為我 ê 天父 ê 旨意是：見若看 tiòh Kiáⁿ， koh 來信祢 ê 人 lóng ē 得 tiòh 永生，而且 tī 末日，我 beh hō in koh 活。」

41 猶太人因為耶穌講：「我是 tùi 天降落來 ê 米糧」，大家 tòh 對祢發出怨言。 42 In 講：「Chitê 人 kám m̄ 是約瑟 ê kiáⁿ 耶穌？咱 kám m̄ 是 bat 祢 ê 父母？是 án 怎祢講：『我是 tùi 天降臨 ê』？」

43 耶穌應講：「Lín m̄ thang 發出怨言。 44 若 m̄ 是差派我來 ê 天父 ê 引 chhōa， tòh 無人 ē

³ SPh 78:24

³ 詩 78 : 24

ínchhōa, tòh bô lāng ē tàng lâi kàu Góa chia; lâi Góa chia ê, tī boátjít Góa ē hō i kohoáh. 45 Tāigiânjîn ê chheh ū kichài kóng: **Chènglāng lóng ē siū SiōngChú kàsī.** 4 Thiaⁿ ThiⁿPē ê kàsī, koh tùi l háksíp ê lāng, lóng ē lâi Góa chia. 46 Che pēng m̄ sī kóng ū lāng bat khòanⁿkòe ThiⁿPē; kantaⁿ tùi SiōngChú hia lâi ê Hit Ūi, chiah bat khòanⁿkòe ThiⁿPē. 47 Góa sitchāi ká lín kóng, sìn ê lāng tòh ē ū éngseng. 48 Góa tòh sī sèⁿmiā ê biniūⁿ. 49 Lín ê chósian tī khòngiá ū chiáh máná, in iásū sí khì. 50 M̄ koh, che sī tùi thiⁿ kàng lóh lâi ê biniūⁿ, thang hō chiáh ê lāng bē sí. 51 Góa tòh sī tùi thiⁿ kànglím ê oáh biniūⁿ, chiáh chitê biniūⁿ ê lāng, ē oáh kàu éngoán. Góa beh hō lāng ê biniūⁿ tòh sī Góa ê bah, sī ūi tiòh beh hō sèkan lāng tit tiòh sèⁿmiā chiah siúⁿsù ê.”

52 Inūi áne, lúthài lāng tòh hōsiong chenglūn kóng, “Chitê lāng ná ē tàng ēng l ê bah hō lán chiáh?”

53 lésu tòh tùi in kóng, “Góa sitchāi ká lín kóng, lín nā bô chiáh Jínchú ê bah, bô lim l ê hoeh, lín ê lāibīn tòh bô sèⁿmiā. 54 Kiànnā chiáh Góa ê bah, lim Góa ê hoeh ê lāng, i tòh ē ū éngseng; kàu boátjít, Góa beh hō i kohoáh. 55 Góa ê bah sī chinchìàⁿ ê biniūⁿ, Góa ê hoeh sī chinchìàⁿ ê ímliáu. 56 Chiáh Góa ê bah, lim Góa ê hoeh ê lāng, i ē tī Góa ê lāibīn, Góa mā beh tī i ê lāibīn. 57 Éngseng ê ThiⁿPē chhephài Góa lâi, sói, Góa ê sèⁿmiā sī tùi l lâi ê; chhinchhiūⁿ áne, chiáh Góa ê bah ê lāng, mā ē tùi Góa tit tiòh sèⁿmiā. 58 Che sī tùi thiⁿ kàng lóh lâi ê biniūⁿ. Che bô chhinchhiūⁿ lín ê chósian só chiáh ê biniūⁿ, in chiáhliáu tòh sí khì. M̄ koh, chiáh chitê biniūⁿ ê lāng ē éngoán oáhteh.”

59 Chiahê òe sī lésu tī Kapehnáum ê hōetng teh kàsī lāng ê sí só kóng ê.

Éngseng ê Ōe

⁴ ISI 54:13

tàng 來到我 chia；來我 chia ê，tī 末日我 ē hō伊 koh 活。 45 代言人 ê 冊有記載講：眾人 lóng ē 受上主教示⁴。聽天父 ê 教示，koh tùi 祂學習 ê 人，lóng ē 來我 chia。 46 這並 m̄ 是講有人 bat 看過天父；kantaⁿ tùi 上主 hia 來 ê Hit 位，chiah bat 看過天父。 47 我實在 ká lín 講，信 ê 人 tòh ē 有永生。 48 我 tòh 是性命 ê 米糧。 49 Lín ê 祖先 tī 曠野有食嗎哪，in iáu 是死去。 50 M̄ koh，這是 tùi 天降落來 ê 米糧，thang hō 食 ê 人 bē 死。 51 我 tòh 是 tùi 天降臨 ê 活米糧，食 chitê 米糧 ê 人，ē 活到永遠。我 beh hō 人 ê 米糧 tòh 是我 ê 肉，是為 tiòh beh hō 世間人得 tiòh 性命 chiah 賞賜 ê。」

52 因為 áne，猶太人 tòh 互相爭論講：「Chitê 人 ná ē tàng 用祂 ê 肉 hō咱食？」

53 耶穌 tòh 對 in 講：「我實在 ká lín 講，lín 若無食人子 ê 肉，無 lim 祂 ê 血，lín ê 內面 tòh 無性命。 54 見若食我 ê 肉，lim 我 ê 血 ê 人，伊 tòh ē 有永生；到末日，我 beh hō伊 koh 活。 55 我 ê 肉是真正 ê 米糧，我 ê 血是真正 ê 飲料。 56 食我 ê 肉，lim 我 ê 血 ê 人，伊 ē tī 我 ê 內面，我 mā beh tī 伊 ê 內面。 57 永生 ê 天父差派我來，所以，我 ê 性命是 tùi 祂來 ê；親像 áne，食我 ê 肉 ê 人，mā ē tùi 我得 tiòh 性命。 58 這是 tùi 天降落來 ê 米糧。這無親像 lín ê 祖先所食 ê 米糧，in 食了 tòh 死去。M̄ koh，食 chitê 米糧 ê 人 ē 永遠活 teh。」

59 Chiahê 話是耶穌 tī 迦百農 ê 會堂 teh 教示人 ê 時所講 ê。

永生 ê 話

⁴ 賽 54:13

60 Ū chin chē lésu ê bûntô thiaⁿ tiòh chiahe ôe, tòh kóng, “Chit ê kàsī chin giâmlē, siáⁿlâng thiaⁿ ē jip hīⁿ?”

61 lésu chai bûntô inūi thiaⁿ tiòh chiahe ôe teh tui l hoat chhut oàngiân, tòh kâ in kóng, “Góa kóng ê chiahe ôe hō lín sìnsim iôtāng, sī bô? 62 Nā áne, lín nā khòⁿkìⁿ Jínchú sengthian, tngkhì l goânlâi teh tòi ê sôchāi, lín ē ánhóaⁿ? 63 Siúⁿsù láng sèⁿmiā ê sī SiōngChú ê Sènglêng, jiòksin sī bô kètát ê. Góa kâ lín kóng ê ôe, tòh sī Sènglêng, tòh sī sèⁿmiā. 64 M̄ koh, lín tiongkan iáusī ū láng m̄ sìn.” (Inūi lésu tui chit khaisí tòh chai siáⁿlâng m̄ sìn l, mā chai tó chitê beh chhutbē l.) 65 l kèsìok kóng, “Sóí, Góa kâ lín kóng kòe, nā bô ThiⁿPē ínchún, tòh bô láng ē tàng lâi kàu Góa chia.”

66 Inūi áne, lésu ê bûntô ū chin chē láng līkhu l, bô beh koh kah l chòhóe. 67 lésu tòh kâ hit chapjī sùtô kóng, “Lín kám mā siūⁿ beh līkhuí?”

68 Símons Peteloh ìn l kóng, “Chú ah, Lí ū éngseng ê òegí, goán iáu tiòh khì kintòe siáⁿlâng? 69 Goán ū sìn, mā khaksit chai Lí sī SiōngChú ê Sèngchiá.”

70 lésu tòh ìn in kóng, “Góa kám m̄ sī kóngsoán lín chapjī ê láng? M̄ koh, lín tiongkan ū chitê sī Môkúí!” 71 l kóng áne, sī teh chí Kaliòk láng Símons ê kiáⁿ lôtah; i suijiân sī chapjī sùtô chi it, āu lâi khiok ē chhutbē lésu.

60 有真 chē 耶穌 ê 門徒聽 tiòh chiahe 話, tòh 講:「Chitê 教示真嚴厲, 嗰人聽 ē 入耳?」

61 耶穌知門徒因為聽 tiòh chiahe 話 teh 對祂發出怨言, tòh kâ in 講:「我講 ê chiahe 話 hō lín 信心搖動, 是無? 62 若 áne, lín 若看見人子升天, tng 去祂原來 teh tòi ê 所在, lín ē án 怎? 63 賞賜人性命 ê 是上主 ê 聖靈, 肉身是無價值 ê. 我 kâ lín 講 ê 話, tòh 是聖靈, tòh 是性命. 64 M̄ koh, lín 中間 iáu 是有人 m̄ 信。」(因為耶穌 tui 一開始 tòh 知嗰人 m̄ 信祂, mā 知 tó 一个 beh 出賣祂.) 65 祂繼續講:「所以, 我 kâ lín 講過, 若無天父允准, tòh 無人 ē tàng 來到我 chia。」

66 因為 áne, 耶穌 ê 門徒有真 chē 人離開祂, 無 beh koh kah 祂做伙. 67 耶穌 tòh kâ hit 十二使徒講:「Lín kám mā 想 beh 離開?」

68 西門彼得應祂講:「主 ah, 祢有永生 ê 話語, 阮 iáu tiòh 去跟 tòe 嗰人? 69 阮有信, mā 確實知祢是上主 ê 聖者。」

70 耶穌 tòh 應 in 講:「我 kám m̄ 是揀選 lín 十二个人? M̄ koh, lín 中間有一个是魔鬼!」 71 祂講 áne, 是 teh 指加略人西門 ê kiáⁿ 偌大; 伊雖然是十二使徒之一, 後來卻 ē 出賣耶穌。